

Broj: 01 -2288-1 /22

Datum: 12.12.2022. godine

Na osnovu člana 20a. Zakona o izmjenama i dopunama Zakona o radu ("Službene novine Federacije Bosne i Hercegovine", broj: 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19, 4/20, 11/20 i 5/21), člana 50. Statuta (broj: 02-6-2/13 od 28.06.2013. godine i 02-8-2/16 od 30.08.2016. godine), člana 78. Pravilnika o radu JZU Dom zdravlja Gračanica (broj: 02-4-2/21 od 30.03.2021. godine) i Odluke direktora broj: 01-2288/22 od 12.12.2022. godine, Javna zdravstvena ustanova (u daljem tekstu JZU) Dom zdravlja Gračanica, sa sjedištem u Gračanici, u ulici Mehmeda Ahmedbegovića br. 50, raspisuje i objavljuje

JAVNI OGLAS

za popunu upražnjenih radnih mjesta

I

Javna zdravstvena ustanova Dom zdravlja Gračanica, sa sjedištem u Gračanici u ulici Mehmeda Ahmedbegovića br. 50, vrši prijem radnika radi zasnivanja radnog odnosa na neodređeno vrijeme sa punim radnim vremenom. Prijem radnika se vrši na sljedeća radna mjesta:

1. Specijalista ginekologije i akušerstva za rad u Službi za zdravstvenu zaštitu žena - jedan izvršilac na neodređeno vrijeme sa punim radnim vremenom, uz probni rad od tri mjeseca,
2. Doktor stomatologije za rad u Službi zdravstvene zaštite zuba i usta - jedan izvršilac na neodređeno vrijeme sa punim radnim vremenom, uz probni rad od tri mjeseca,
3. Doktor porodične medicine / doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) - jedan izvršilac na neodređeno vrijeme sa punim radnim vremenom, uz probni rad od tri mjeseca,
4. Medicinska sestra-tehničar za rad u Službi za zdravstvenu zaštitu predškolske djece - jedan izvršilac na neodređeno vrijeme sa punim radnim vremenom, uz probni rad od tri mjeseca,
5. Medicinska sestra-tehničar ili sanitarni tehničar za rad u Službi za higijensko-epidemiološke poslove - jedan izvršilac na neodređeno vrijeme sa punim radnim vremenom, uz probni rad od tri mjeseca.

II

Kandidati koji se prijavljuju na Oglas, obavezni su ispunjavati opšte uslove i posebne uslove Oglasa i to:

Opšti uslovi

- da su državljani BiH;
- da su zdravstveno sposobni za obavljanje poslova za koje se prijavljuju (ljekarsko uvjerenje naknadno prilaže izabrani kandidat).

Posebni / uslovi

Kandidati koji se prijavljuju na radno mjesto **1. Specijalista ginekologije i akušerstva za rad u Službi za zdravstvenu zaštitu žena** trebaju ispunjavati sljedeće posebne uslove:

- da imaju završen medicinski fakultet
- da imaju položen stručni ispit
- da imaju položen specijalistički ispit iz ginekologije i akušerstva
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

Kandidati koji se prijavljuju na radno mjesto **2. Doktor stomatologije za rad u Službi zdravstvene zaštite zuba i usta** trebaju ispunjavati sljedeće posebne uslove:

- da imaju završen stomatološki fakultet
- da imaju položen stručni ispit
- da posjeduju važeće Odobrenje za obavljanje samostalnog rada (licenca) izdato od strane nadležne komore

Kandidati koji se prijavljuju na radno mjesto pod rednim brojem **3. Doktor porodične medicine / doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom)** trebaju ispunjavati sljedeće posebne uslove:

- da imaju završen medicinski fakultet
- da imaju položen stručni ispit
- da imaju položen specijalistički ispit iz porodične, opće ili druge grane medicine
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

ili

- da imaju završen medicinski fakultet
- da imaju položen stručni ispit
- da posjeduju važeće Odobrenje za obavljanje samostalnog rada (licenca) izdato od strane nadležne ljekarske komore

Kandidati koji se prijavljuju na radno mjesto pod rednim brojem **4. Medicinska sestra-tehničar za rad u Službi za zdravstvenu zaštitu predškolske djece** trebaju ispunjavati sljedeće posebne uslove:

- SSS Srednja medicinska škola, općeg ili pedijatrijskog smjera
- Položen stručni ispit
- Važeće Odobrenje za obavljanje samostalnog rada (licenca) izdato od strane nadležne komore

Kandidati koji se prijavljuju na radno mjesto pod rednim brojem **5. Medicinska sestra-tehničar ili sanitarni tehničar za rad u Službi za higijensko-epidemiološke poslove** trebaju ispunjavati sljedeće posebne uslove:

- SSS Srednja medicinska škola, općeg ili sanitarnog smjera
- Položen stručni ispit
- Važeće Odobrenje za obavljanje samostalnog rada (licenca) izdato od strane nadležne komore

Ispunjenost opštih i posebnih uslova Javnog oglasa računa se danom predaje prijave na Javni oglas.

III

Kratak opis poslova radnog mjesta:

Specijalista ginekologije i akušarstva - Vršiti ginekološke preglede žena kojim se utvrđuje postojanje ili nepostojanje bolesti, te vršiti procjenu takvih stanja pomoću medicinskih dijagnostičkih instrumenata, postupaka i sredstava; vršiti preglede žena trudnica radi utvrđivanja toka trudnoće i zdravstvenog stanja trudnice; savjetuje trudnice i daje savjete vezane za planiranje porodice; propisuje lijekove u skladu sa propisima o lijekovima; vršiti ciljane ginekološke preglede, ciljani pregled na rano otkrivanje raka dojke kao i na rano otkrivanje raka grlića maternice; vršiti kolposkopske preglede; vršiti pregled dojki; različite preglede ultrazvučnim aparatom radi diferencijalne dijagnoze; obavlja porode u hitnim slučajevima i prekide trudnoće iz medicinskih razloga; vršiti uzimanje brisa i analizu kristalizacije cervikalne sluzi, zatim uzimanje brisa i analizu vaginalnog sekreta i brisa na Papanikolau; vršiti juvenilni ginekološki pregled; kateterizacija mokraćne bešike kod žene, uvođenje trajnog katetera ili zamjena trajnog katetera kod žene; klistiranje; konzilijarni pregled; vršiti i druge poslove iz domena ginekološko-akušerske specijalnosti; izdaje liječnička uvjerenja, svjedodžbe, potvrde i mišljenja; radi na uspostavi sistema poboljšanja kvaliteta i bezbjednosti zdravstvene zaštite u Domu zdravlja; obvezan je voditi tačnu, iscrpnu i datiranu medicinsku dokumentaciju u skladu s propisima iz oblasti zdravstva; za svoj rad odgovoran je šefu Službe i direktoru.

Doktor stomatologije - Obavlja poslove stomatološke djelatnosti stručno i etički besprijekorno, primjenom savremenih postupaka i tehnologija u stomatologiji; vršiti pregled lica sa oboljenjem ili povredom zuba ili usne šupljine; dijagnosticira bolesti, povrede, nepravilnosti i deformitete zuba i srodnih struktura u usnoj duplji; daje nalog za obavljanje specijalističkih konsultativnih pregleda; interpretira nalaze i utvrđuje dijagnozu i način liječenja; daje anestezije tokom liječenja i prepisuje lijekove za ublažavanje bola poslije liječenja; vršiti stomatološke intervencije i to: konzervativne, plombiranje, prekrivanje pulpe, vitalna i mortalna amputacija pulpe, jedno i više korijenih zuba, ekstrakcije zuba, incizije apcesa (intraoralno), hemostaza (mehaničkim i hemijskim sredstvima); pruža prvu hitnu stomatološku pomoć; vršiti i učestvuje u zdravstvenom prosvjećivanju stanovništva iz aspekta stomatološke zaštite; educira pacijenata i porodicu o zubnoj higijeni; poštuje prava pacijenta utvrđena zakonom; prijavljuje zarazna oboljenja koja podliježu obaveznom prijavljivanju; vodi i čuva stomatološku dokumentaciju u skladu sa propisima; radi na uspostavi sistema poboljšanja kvaliteta i bezbjednosti zdravstvene zaštite u Domu zdravlja; obavlja i druge poslove u okviru svog zvanja i struke, za svoj rad odgovoran je šefu Službe i direktoru.

Doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) obavlja poslove navedene u opisu poslova doktora porodične medicine u Službi porodične medicine i zdravstvene njege u zajednici i vanbolničke palijativne njege (identifikuje faktore koji mogu ugroziti zdravlje, vršiti preglede kojim se utvrđuje postojanje ili nepostojanje tjelesnih, odnosno psihičkih bolesti, tjelesnih oštećenja ili anomalija te vršiti procjenu takvih stanja pomoću medicinskih dijagnostičkih instrumenata, postupaka i sredstava; utvrđuje potrebu i upućuje na dijagnostička i funkcionalna ispitivanja; vršiti liječenje i rehabilitaciju, propisuje lijekove i medicinska sredstva u skladu sa propisima o lijekovima i medicinskim sredstvima, pruža usluge liječenja i intervencije, evidentira i prijavljuje zarazne bolesti i hronične nezarazne bolesti, vršiti incizije abscesa, panaricija ili karbunkula), a koji spadaju u djelatnost Službe zdravstvenu zaštitu stanovništva preko 19 godina.

Medicinska sestra/tehničar za rad u Službi za zdravstvenu zaštitu predškolske djece vršiti prijem i provjeru zdravstvenih legitimacija i identiteta pacijenta; evidentira potrebne podatke u medicinsku dokumentaciju; priprema pacijenta za pregled, priprema materijal, priprema instrumente i sredstva za obavljanje pregleda, asistira pri pregledu; pruža hitnu medicinsku pomoć u skladu sa svojim kompetencijama; vršiti trijažu pacijenata za ljekarski pregled; primjenjuje, provodi i evidentira od doktora medicine ordinirane lokalne, peroralne i parenteralne terapije; vršiti previjanje rana, inhaliranje, ispiranje uha i druge poslove iz domena

medicinskog tehničara; preduzima mjere na zbrinjavanju bolesnika kod šoka i kolapsnih stanja; vrši sterilizaciju instrumenata, materijala i drugih sredstava za rad; obavlja i druge poslove u okviru svog zvanja i struke.

Medicinska sestra-tehničar ili sanitarni tehničar za rad u Službi za higijensko-epidemiološke poslove vodi propisanu evidenciju, radi izvještaje o masovnim oboljenjima i nezaraznim bolestima, dostavlja prijavu nadležnoj zdravstvenoj ustanovi, vrši dokazivanje hlora u vodi, priprema dokumentaciju za izdavanje sanitarne knjižice, vodi kartoteku vodnih objekata, priprema instrumente za sterilizaciju, izlazi na zaraženo područje po prijavi, provodi mjere suzbijanja i širenja zaraznih bolesti, otkriva izvore zaraze epidemiološkim izviđanjem terena i slanjem materijala radi uspostavljanja dijagnoze ili izolacijom kliconoše, vrši DDD poslove, pravi otrov i dezinfekciona sredstva, uzima materijal i šalje na bakteriološku, serološku i virusološku analizu, kontroliše lokalne vodne objekte za piće, provodi higijenske mjere u prometu i snabdijevanju hranom stanovništva, obavlja i druge poslove u okviru svog zvanja i struke.

IV

Za sva navedena radna mjesta radni odnos se zasniva na neodređeno vrijeme sa punim radnim vremenom, uz probni rad od tri mjeseca.

V

Dokazi o ispunjavanju općih i posebnih uslova:

Prilikom prijave na Javni oglas, kandidati su obavezni uredno popuniti i svojeručno potpisati **Prijavni obrazac** (koji se može preuzeti sa web stranice www.dzgracanica.com ili u prostorijama uprave JZU Dom zdravlja Gračanica) i uz isti dostaviti sljedeću dokumentaciju kojom dokazuju *ispunjavanje općih i posebnih uslova*:

- a) **Izvod iz matične knjige rođenih ;**
- b) **Uvjerenje o državljanstvu** (ne starije od 6 mjeseci);
- c) **CIPS-ova prijava o prebivalištu - PBA 3 obrazac** (ne starije od 6 mjeseci);
- d) **Dokaz o stečenoj stručnoj spremi - diploma;**
- e) **Uvjerenje o položenom stručnom ispitu**
- f) **Uvjerenje o položenom specijalističkom ispitu** (za radna mjesto pod rednim brojem 1. i 3.)
- g) **Važeće Odobrenje za obavljanje samostalnog rada / licenca**
- h) **Ljekarsko uvjerenje** – naknadno dostavlja izabrani kandidat;

Kandidati koji ostvaruju pravo na prioritet pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona", broj: 10/20 - drugi prečišćeni tekst), isti mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe (ne starije od mjesec dana od dana raspisivanja Javnog oglasa), potvrdu nadležnog organa o priznatom statusu branioca, odnosno člana porodice branioca, te izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju.

Kandidati koji po nekom drugom posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Podnošenje prijave

Uredno popunjen i svojeručno potpisan Prijavni obrazac, sa svim traženim dokumentima, podnosi se u roku od 8 dana od dana objavljivanja ovog Oglasa, odnosno od dana njegove posljednje objave.

Javni oglas će biti objavljen u Dnevnom listu „Oslobođenje“ te na web stranicama JU Službe za zapošljavanje Tuzlanskog kantona i Javne zdravstvene ustanove Dom zdravlja Gračanica.

Napomena:

Samo izabrani kandidati će biti u obavezi da u određenom roku dostave ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnog mjesta za koje se raspisuje javni oglas.

Ispunjavanje uslova utvrđenih ovim Javnim oglasom računa se sa danom predaje prijave.

Neblagovremene, nepotpune i neuredne, zatim prijave kandidata koji ne ispunjavaju uslove Javnog oglasa neće biti razmatrane.

Komisija će u pisanoj formi zaključkom obavijestiti kandidate koji nisu dostavili blagovremenu, potpunu i urednu dokumentaciju, i takvi kandidati ne mogu učestvovati u daljoj proceduri izbora kandidata.

Podnosilac neblagovremene, nepotpune ili neuredne prijave nije učesnik Javnog oglasa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

*Prijava na Oglas se dostavlja u zatvorenoj kovrti lično ili putem pošte,
na adresu:*

*Javna zdravstvena ustanova Dom zdravlja Gračanica, ulica Mehmeda Ahmedbegovića br. 50,
Gračanica sa obaveznom naznakom:*

*„Prijava na Javni oglas o prijemu radnika u radni odnos na radno mjesto _____
(upisati radno mjesto za koje se podnosi prijava)*

„Ne otvarati – Otvara Komisija“

Svi dokumenti uz Prijavni obrazac na Oglas, prilažu se u originalu ili ovjerenj fotografiji ne starijoj od 6 mjeseci.


Proces izbora kandidata za prijem u radni odnos na navedena radna mjesta provest će se održavanjem pismenog i usmenog ispita sa svakim od prijavljenih kandidata čije prijave budu blagovremene, potpune i uredne.

Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, o mjestu i vremenu održavanja pismenog i/ili usmenog ispita.

Tematske oblasti iz kojih će biti utvrđena pitanja za pismeni će biti objavljena na internet stranici Ustanove najmanje sedam dana prije održavanja pismenog ispita.

Izabrani kandidat će biti u obavezi da, najkasnije u roku od osam dana od dana konačnosti odluke o prijemu u radni odnos, dostavi ljekarsko uvjerenje kao dokaz da njegovo zdravstveno stanje odgovara uslovima radnog mjesta za koje je izabran.

JZU Dom zdravlja Gračanica nema obavezu vraćanja dokumentacije kandidatima.

Direktor

Dr. Jasmin Hadžić,
spec. porodične medicine

